

度

支

奏

議

度支奏議卷之五

太子太保戶部尚書潘青舉自嚴視草

覆四川按院汰冗克餉疏

題爲裁汰冗員以紓

國用削冒陞以重

國典事邊餉司案呈崇禎三年九月二十一日奉

本部送戶科抄出四川巡按馬如蛟題前事疏

開裁去通判簡較判官知事縣丞等官六十八

員共減省俸薪工食實得銀四千四百二十五

兩三錢三分二釐七毫二絲充助軍餉等因

月十九日奉

聖旨該部知道欽此又奉本部送戶科抄出四川巡撫張論題同前事本年九月二十二日奉

聖旨這報裁過冗員并應減銀兩數目知道了該部知道欽此十月三十日又奉本部送戶科抄出保定巡撫解經傳題爲汰冗原資助餉日久解報不前謹申違限叅處之

旨與諸臣再一約法事疏開裁汰縣丞經歷訓導等

官一十六員內有候陞免補官八員俟離任在
可扣其俸廩等銀餘亦被裁月日不齊難以約
定數目以一年額編計各官俸廩工食等項共
該銀一千四百一十六兩八錢四分米七十二
石按今所汰起止月日扣算見在銀一千二兩
三錢八分八毫八絲五忽米七十石類解克餉
等因又該直隸巡按甘學澗及余文燾各會題
前事於本年十月二十九日俱奉

聖旨戶部知道欽此欽遵通抄到部送司通查案是

到部爲照汰冗一節先該臣部類覆各管直
裁過冗員及俸薪工食等項數目奉

聖旨裁冗正爲佐餉銀兩原係額編奉旨已久如何
全未解到又保大尚無確數四川竟不奏報好生
藐玩姑依限勒催如再遲延司道等官照例叅處
該撫按著自行回奏欽此欽遵通行在案今該四
川巡按御史馬如蛟會同巡撫張論題報裁汰
過通省通判都事等官共六十八員除殘破未
徵及原無額編外每年實該扣存解部充餉銀

四千四百二十五兩三錢三分二厘七毫二絲
內訓導俸薪及門役工食俟任滿陞轉之日方
扣其餘大小官員如數扣解又該保定巡撫解
經傳會同按臣甘學濶余文燾題報裁汰過真
保等六府經歷縣丞等官一十六員訓導等官
八員廩俸工食等銀每年實該扣存解部充餉
銀共一千四百一十六兩八錢四分米七十二
石內訓導已裁四員候陞免補四員并餘官俱
按所汰起止月日扣至崇禎三年終止共該銀

一千二兩三錢八分八毫八絲五忽米七十
以上裁省過俸薪工食銀兩俱令刻期解部在
餉內有爲新餉召買米豆用者仍令州縣卽於
襟項新餉內補還以免混淆其米七十石整俱
貯天津倉內應聽扣留作爲海運應用者也夫
此數項者去無用之贅員充有用之實費卽其
爲數雖若無多然值肘襟並露之時正屬江海
不擇之日亦臣部之一助也相應覆

請合候

命下臣部移文四川及保定巡撫並各都察院轉行
各該巡按御史備行各屬照數造解刻期到部
以濟急需一體遵奉施行

崇禎三年十一月十四日具

題本月十七日奉

聖旨是欽此

覆大同巡撫奏報兵馬錢糧實在數目疏
題爲直言第一易簡足兵之法以斷葛藤以還
制事邊餉司案主崇禎三年九月十九日奉本
部送戶科抄出大同巡撫張宗衡題前事內開
報雲鎮兵馬錢糧實在數目并裁省銀兩緣
又奉本部送戶科抄出宣大總督魏雲中巡按
直隸御史胡良機題同前事本年九月十八日
俱奉

聖旨該部知道欽此本年十月十九日又奉本部

戶科抄出兵部尚書梁廷棟題覆前事

月十八日奉

聖旨清餉正欲實兵豈有縮兵就餉之理這雲鎮
出遊故九百餘名著該撫卽行召補以足原額
得藉口減汰致疎防禦亦不許徒取克數無裨

用欽此欽遵通抄到部通送到司案呈到部該部
等看得餉緣兵定計清餉不得不清兵然兵以
餉足求足兵原不求減餉查雲鎮經前被臣

成章盤查出遊故軍九百四十三名疏議停

業經樞部覆聽撫臣從實招補以足原額以資
戰守奉有

俞旨無容議矣今按撫臣疏覆查該鎮主客二餉除
民屯本色糧料五萬一千四百一十七石四斗
四升屯田年例草三十七萬三千四百八十二
束外共定額折色銀一百一十八萬五千九百
三十四兩七錢原額官軍八萬二千八百九員
名內除年盤查出逃故軍九百四十三名外實
在官軍八萬一千八百六十六員各以此歲計

應支本色糧二萬六十五石二斗二升拆色
七十萬三千二百五十九兩五錢一分四釐布花
銀八萬八千二百九十七兩一錢八分六釐守
哨墩軍行糧銀一萬九千五百六十一兩九錢
五分二釐四毫叅守操防廩給銀一千二百五
十二兩八錢各衛所指揮千百戶俸鈔銀八千
六百五十兩八錢九分二釐四毫原額馬騾駝
三萬六千八百一十九匹頭隻內除免去援遼
防關倒死馬七千六百七十四匹所該料草銀

兩留於餉庫實在項下通融作正支銷又除陽
和軍門兩掖營不支主餉料草專食標兵客餉
馬二千七百五十八匹外實在馬騾駝二萬六
千三百八十七匹頭隻以此歲計應支主餉本
色料二萬五千四百一十二石二斗二升本色
草三十七萬三千四百八十二束折色銀一十
二萬四千七百五十七兩八錢一分九釐內真
夷戰馬四百七匹除前料草外每年加給五月
六月二個月料草銀五百四十五兩三錢八分

代王祿米并護駕軍較折色布鈔歲支銀三百兩
六錢九分五釐歲派閩鎮召買本色銀二萬兩
歲支客餉京撥軍驛行糧料草銀一千八百三
十七兩八錢軍門標兵召買折空銀六萬兩陽
和兩掖營馬騾二千七百五十八匹頭料草銀
兩在此項銀內支給歲該東西二市撫賞市本
銀八萬兩歲派召買本色聽防秋并山陝輪番
入衛兵馬支用銀三萬八千七百八十二兩二
錢歲該操賞銀三百八十兩以上主客二餉除

用民屯本色糧料五萬一千四百一十七石四
斗四升屯田年例草三十七萬三千四百八十
二束外共用折色銀一百一十四萬七千六百
一十七兩二錢三分八釐八毫通融計算今時
比前額一年見省銀三萬八千三百一十七兩
四錢零卽係日計遞倒截扣之數先經府廳親
核加以各道叅詳而撫按兩臣又再三查駁該
鎮兵馬錢糧之確數已瞭然指掌間矣但所報
見省遞倒截扣銀兩從前不可詰及今猶可追

則此三萬八千三百一十餘兩之數卽不可
扣抵該鎮三年分未盡之年例獨不可以補給
二年分壓欠之軍餉耶則臣部前所稱帶支補
支之法悉屬可行於此亦可窺見一斑矣第此
亦據眼前事故扣除之大數言耳就中軍士馬
騾之截日逃倒尚難枚舉則計算主客之節贖
扣除亦難預定是在督撫鎮道加意棕核而非
臣部所能遙度亦非餉司所能與力者也至於
見查逃故軍丁之九百四十三名倒斃馬騾之

七千六百七十四匹臣部原未嘗勒令不補安
得遂謂縮兵以就餉耶從今以後臣部自當查
照舊額以發年例若夫清查扣除慎終如始爲
朝廷省得一分俾邊鎮裕一分之餉臣部追一分
責則又所望於督撫鎮道相與同舟共濟者也
既經督撫具題前來相應覆

請恭候

命下臣部移文各該衙門遵奉施行

崇禎三年十一月十五日具

題本月十八日奉

聖旨兵有損缺餉無銷減係邊鎮通弊大同肯以裁
省奏報具見勿欺這奏欲將前銀抵給該鎮壓欠
議亦可行還着遵旨速補原兵不得以節餉虧額
該衙門知道欽此

覆山西按臣請發三關京運疏

題爲賊患已深饑軍難用謹密行奏

聞以祈

聖鑒速賜拯救以濟燃眉事邊餉司案呈崇禎三年十一月十六日奉

御前發下紅本該山西巡撫宋統殷題前事等因奉聖旨延賊震鄰宋統殷曾無備禦致渡河猖獗豈得以屢疏空言卸責著遵旨亟圖剽散自贖三關京運二三年實欠額若干鉛黃那解應作何抵補

着戶工二部查酌速奏欽此欽遵發下到部
本部送准該撫咨同前事通送到司案呈到
除那解鉛黃一項已經臣部咨行工部速奏外
案查本年十月初十日先該臣部具覆該撫
敘三關兵亂之繇疏查元二三年分京運發過
銀兩解官職名并起解月日完欠數目備悉
呈

御覽十月十四日奉

聖旨這奏解過山西元二三年額餉時日數目歷歷

可據但內解既多壓欠外扣又無關會言有言無
何時清楚着管餉部科通行查核至節曠銀兩半
留抵餉今額兵旣復便應照數還他迭欠依新議
條例按歲月帶補該鎮亦不得以新作舊致難並
發牽纏不了該衙門知道欽此隨咨督撫二臣通
查去訖值今流賊渡河攻陷城邑勢甚猖獗該
撫疾呼臣部細查該鎮三年分未發年例卽爲
數無多而兵務倥偬需餉孔棘臣又何敢遲迴
以悞封疆卽日劄太倉庫發銀三萬兩秤兌完

足立可啓行仍火速移催該鎮差官星夜來
以濟軍前急需但恐不無火待時日耳如欲差
官過解屢奉

明綸禁戢未敢輒贖

聖聰躊躇冊四統候

聖裁至于二三年務過額數前疏雖已入

告今復奉有實欠額若干之

旨臣再披瀝

上陳崇禎二年分因撫臣耿如杞裁扣逃亡事故兵

馬共節省銀六萬六千一百三十二兩六分又
裁汰冗官冗役疏內扣抵銀共一萬三千九百
一十三兩五錢四分五厘以七月分

旨下之日爲始共該扣銀六千九百五十六兩七錢
七分二厘零實該本鎮年例銀一十三萬三千
二百一十一兩一錢六分零共扣發過銀十萬
五千二百三十二兩實欠銀二萬七千九百七
十九兩一錢六分零先是該撫又有以晉餉晉
之疏不知曾措發過若干則臣部未之知而亦

未敢作數者也三年分案查該撫原報節省銀
六萬六千一百三十二兩六分先奉

明日招兵補伍臣部止議扣銀一半今又奉

旨全還實該銀二十萬六千三百兩共扣發過銀一

十七萬五千三百九十八兩五錢四分五厘實

欠三萬九百一兩四錢今又發銀三萬兩而應

扣撫按衙門本年京書廩給并按鹽御史贓罰

之銀不與焉統候報到之日應以有餘之銀扣

作二年未發之數此臣部發過三關二三兩年

完欠京運之實數也伏乞

勅下該撫速將臣部送過二三年京運數目逐一查明具奏仍乞

天語叮嚀該撫新糧舊逋不容混淆正支補支務極清楚庶邊關冰醪續之恩臣部絕葛藤之悵矣
既經該撫具題前來相應覆

請恭候

命下臣部移文各該衙門遵奉施行

崇禎三年十一月十八日具

題本月二十一日奉

聖旨這山西年例銀兩既屬該鎮急需着卽差官解
發疏內云七月旨下共該扣銀若干所奉何旨所
扣何銀還著明說原委并將二三兩年完欠詳疏
奏奪須於疏後另作計開一某年定額若干某項
扣過若干幾次發過若干尚該若干逐年分款不
得連行接寫前後牽纏易致淆紊前旨已經明諭
如何尚不遵行以後各衙門事關錢糧俱照此例
該衙門知道欽此

查報事例汰冗錢糧數目疏

題爲仰遵

明旨查報事例汰冗銀兩數目事邊餉司案呈崇禎
三年十月三十日奉本部送戶科抄出該本部
覆江西道御史吳履中

天變示儆修省宜殷疏本年十月二十九日奉

聖旨這優免裁扣既經酌覆着遵照前旨行待邊餉
稍充題明停止疏稱事例汰冗每年約銀十五萬
如何兩項數只止此還查確奏來欽此欽遵抄出

到部送司隨該本司脩將事例汰冗兩項清
明確相應覆奏案呈到部該臣等看得事例汰
冗之設皆因邊餉之窮而爲之酌濟者也第事
例以人心之趨避爲盈縮而汰冗亦以省直之
繁簡爲去留且兩部中剖事例屢更輿情之觀
望靡定而各省星羅後先

奏報賞解之陸續不齊其多其寡蓋悠忽而頓異
矣今此二項臣等以十五萬報亦自本年正月
起以至九月止大都約言之耳實未常磨勘詳

明也續奉有如何兩項數只止此還查確奏來
之

旨臣等欽遵卽督山西司邊餉司官會同太倉銀庫
主事逐項磨對復往工部細查逐月分數臣等
覆加查核事例一項自崇禎三年正月起至本
年九月止除工部分借外二月分共收銀三千
五百四十七兩零三月分共收銀一千八百四
十五兩零四月分共收銀八千九百六十九兩
零五月分共收銀三萬三千三百六十兩零六

月分共收工部分銀二萬五千三百六十五兩
零七月分共收銀一萬三千四百七十六兩零
八月分共收工部分銀一萬五千九百一十六
兩零九月分共收銀八千八百三十兩以上共
銀一十一萬一千三百八兩有奇此事例克餉
之實數也汰冗一項除賦役全書并會議項款
已載不開外山東省報銀二萬五千一百六十
八兩零河南省報銀七千五百八十六兩零浙
江省報銀七千二百三十九兩零湖廣省報銀

七千一十八兩零江西省報銀三千七百八十
兩零廣東省報銀六千五十三兩零廣西省報
銀二千八百二十五兩零貴州省報銀二千一
百一十六兩零應天撫屬報銀一萬三千六百
二兩零鳳陽撫屬報銀五千一百二十二兩零
順天撫屬報銀二千七百三十一兩零以上共
八萬三千二百四十兩有奇實到部銀則止南
北直山東湖廣江西長蘆零星解到共二萬一
千四十三兩零是查數則事例汰冗二項共銀

一十九萬四千五百四十八兩若實收則止
收銀一十三萬二千三百五十一兩零也他
山西省報銀二萬一千七百五十七兩零內除
扣抵

瑞府贍田銀七千八百四十三兩七錢零外該銀
一萬三千九百一十三兩四錢扣留抵作年例
福建省報銀一萬二千八十五兩零議留充

惠桂二府贍銀宣府報銀三百七十九兩一錢扣
留抵作年例宣夏報銀一百二十八兩四錢扣

留抵作年例其肅報銀一千四百五十九兩三錢扣留抵作年例訖以上原非解京錢糧故未入數總之出額無窮臣部之需用甚殷原望積微以成鉅入額有限臣部之缺陷甚夥不覺悵恨以爲少蓋論邊餉而偶及二項原非額爲二項核確數故不覺其掛漏也恭奉

明旨臣愚無所逃罪矣伏惟

皇上鑒宥施行既經該司查明案呈前來謹遵

旨具奏臣等不勝悚息待

命之至

崇禎三年十一月二十二日具

題本月二十五日奉

聖旨汰冗經撫按官奏報一覽可知若事例一途弊
竇多端中間有無欺隱併各省直援納多金果否
盡數報解還着查明具奏年來經費浩繁屢議開
節裒多益寡數亦不貲乃吏胥習爲侵牟司屬漫
無稽察以致公私交困姦猾獨肥殊可痛惡卿還
精心剔核出入清楚以稱倚任軍國之意欽此

題報起解山西勦賊兵餉疏

題爲遵

旨題差覆奏事邊餉司案呈崇禎三年十一月二十
二日奉本部送戶科抄出該本部題爲賊患日
深等事本年十一月二十一日奉

聖旨這山西年例銀兩旣屬該鎮急需着卽差官解
發疏內云七月旨下共該扣銀若干所奉何旨所
扣何銀還着明說原委并將二三兩年完欠詳疏
奏奪須於疏後另作計開一某年定額若干某項

扣過若干幾次發過若干尚該若干逐年分
得連行接寫前後牽纏易致淆紊前旨已經明諭
如何尚不遵行以後各衙門事關錢糧俱照此例
該衙門知道欽此欽遵抄出到部送司隨該本司
卽日呈請委官解銀前往復將七月

旨下共該扣銀若干原委并二三年完欠三關京
運額數備查明白相應覆奏案呈到部該臣等
看得流賊鴟張晉師捷伐臣部議發三年分銀
三萬兩接濟通計本年已溢額近二百兩而應

扣撫按衙門本年京書廩給并按鹽御史贓罰之銀不與焉統候報到之日應以有餘之銀扣作二年分未發之數者也臣部具疏上

聞奉有山西年例銀兩旣屬該鎮急需着卽差官解發之

旨臣等欽遵查得

文華殿中書史可觀年力精強見在空閒堪以差委合咨兵部給與應用勘合督令遄解復查三關額餉內有汰冗一項查係崇禎二年七月內

先該山西巡撫耿如杞題爲遵

旨裁汰冗官冗役等事內稱通共裁去冗官一百四十七員冗役二千一百六十六名裁省銀二萬一千七百五十七兩三錢一分五厘內除留抵該銀一萬三千九百一十三兩五錢四分五厘扣解三閩管糧衙門抵充年例等因奉

聖旨該部各與覆行隨該本部題爲汰冗漸有次第等事覆稱查各該撫按原疏其所裁省銀兩或謂以裁汰之日爲始者或謂以部文到日爲始

者或謂以離任之日爲始者夫離任之日爲始
惟訓導一官日暮途窮改銓難俟我

皇上垂恩憐憫令其任滿扣缺自訓導而外毋論文
武官員及各項人役各以

旨下之日爲始憑其具奏之先後以還其各得之分
等因崇禎二年十月十一日奉

聖旨這次冗應扣銀兩各依奉旨日期任支起解助
餉務於歲內解完違限拖欠指名叅處覆查的作
速續報着通與申飭欽此欽遵通行在案今查該

鎮二年分年例除部發并扣過節省銀兩外
有裁汰冗官冗役疏內扣抵銀共一萬三千九
百一十三兩五錢四分五厘以七月分

旨下之日爲始共該扣銀六千九百五十六兩七錢
七分二厘零此抵扣汰冗并開

旨下之日爲始之原委也又查崇禎三年十一月初
九日該兵部尚書梁廷棟題爲塘報流賊事奉
聖旨據奏流賊情形各道僅報數百哨探輒稱數萬
多寡懸絕是否確耗卿部卽行查核嚴飭秦晉督

撫鎮道悉心協力相機剿撫不得徒事張皇彼此
互譏速發京運及補舊欠前已有旨戶部曾否措
給還查取該鎮實收明白具奏該衙門知道欽此
隨該臣部欽遵通行該鎮備查去後今據餉司
蘇慶龍呈稱先奉本部劄付追叙三關兵亂之
繇等事備劄本職遵照

明旨內事理即將崇禎元二三年分在內發過京運
在外扣抵過銀兩時日數目逐一磨對明白星
速報部以便會題施行等因奉此本職遵依簡

查崇禎元二三年卷簿節奉部差官員及領
委官解到銀兩并軍門兌發市賞在外扣抵過
京運與劄付內數目逐項磨對俱各相同擬合
回報等因到部據此則臣部元二三年所發之
銀并節次所報完欠之數已自鑿鑿不爽矣今
又遵

明旨復將該鎮二三兩年完欠額數另作計開逐年
分欸備細開陳伏乞

皇上鑒察施行

計開

山西鎮

崇禎二年分原額銀二十萬六千三百兩

一扣抵過前撫臣耿如札裁扣逃亡事故

兵馬節省銀六萬六千一百三十二兩

六分

一扣抵過裁汰冗官冗役銀六千九百五

十六兩七錢七分二厘零

一扣留裁掣京書廩給銀二百三十二兩

二月十九日都察院照磨張道澤解銀

萬兩

二十一日委官黃猷領銀一萬兩

三月初三日委官黃猷領銀一萬兩

四月初七日委官黃猷領銀一萬兩

閏四月十五日中書吳日景解銀一萬兩

七月初五日委官王孟祥領銀二萬三千

兩

八月十二日委官黃猷領銀一萬兩

九月初四日中書呈若潤解銀一萬二千

兩

十月二十三日光祿寺署丞王象壯解銀

一萬兩

以上共扣發過銀一十七萬八千三百二

十兩八錢三分二厘實欠銀二萬七千

九百七十九兩一錢六分八厘

崇禎三年分原額銀二十萬六千三百兩

一扣抵汰冗俸薪工食銀一萬三千九百

一十三兩五錢四分五厘

一扣抵撫院贓罰銀一千四百八十五兩

二月十六日委官王孟祥領銀二萬兩

三月十一日主事李士元解銀一萬兩

十二日委官劉有聲領銀一萬五千兩

四月十四日中書董繼舒解銀三萬兩

三十日本部照磨萬鍊解銀一萬兩

五月二十七日委官黃猷領銀一萬五千

兩

六月二十二日委官王孟祥領銀一萬兩

七月初一日委官王孟祥領銀一萬兩

八月初四日行人邸其昌解銀二萬兩

九月十一日委官黃猷領銀一萬兩

十月二十五日委官王孟祥領銀一萬兩

今撫院又續報扣留犯官張述堪等紙殼

贓罰銀一千一百兩六錢五分

以上共扣發過銀一十七萬六千四百九

十九兩一錢九分五厘實未發銀二萬

九千八萬兩八錢五厘今又撥銀三萬
兩長支銀一百九十九兩一錢九分五
厘作二年分未發之數

崇禎三年十一月二十五日具

題本月二十七日奉

聖旨這所開二三年分抵解餉銀數目知道了山西
剿賊需餉甚急除舊欠應發外其耿如杞裁扣一
項是否實數堪支宋統殷曾否有實收到部還查
明具奏欽此

覆甘肅按院題甘固二鎮節省餉銀疏

題爲謹陳九邊軍餉之數并陳年來不足之因以
達

睿命以便區處事邊餉司案呈崇禎三年十一月十一日奉
二日奉本部送戶科抄出巡按陝西監察御史
張應辰奏前事等因本年十一月十一日奉

聖旨這冊報甘固二鎮兵餉及節省餉銀數目着該
部科確核具奏欽此欽遵抄出到部又奉本部送
准查覈餉務戶科給事中許世蓋手本前事內

稱冊內本折原額及支放節剩銀兩總撒俱一
一符合足徵按臣之良工苦心矣但其中不無
可商者一支放之參差如同一兵丁也有月食
糧二石一石九斗一石八斗者有月支銀一兩
四錢一兩三錢三分一兩二錢六分者遞減而
遞殺之糧至五斗四斗五升而止銀至三錢五
分三錢一分五釐而止豈無畫一之制所當行
按臣督撫更定以一經制者也一拖欠之過多
及餘剩之抵補近因歲凶盜起故有拖欠其未

凶荒以前豈盡如此之多乎所當行巡按御史
細加清查俱當作正支銷者也至甘肅一鎮民
運銀額比陝西賦役全書額派少銀八百八十
六兩九錢八分零夫二鎮之支剩已稱有餘則
賦役之八百餘金不屬多派乎所當行撫按布
政司通行查核如或多派須當減編以甦民困
如或應徵卽應作起解抵補京運之缺額可也
等因到部通送到司案查崇禎二年九月內先
該甘肅巡撫梅之煥奏爲足餉先清兵等事疏

報該鎮前後共節省銀一萬六千七百兩七錢五分六釐請于應發本鎮京運年例銀內扣除等因本年九月初十日奉

聖旨這節省糧料銀卽扣除本鎮額餉實在兵馬勤行操練更不得耗減示弱該衙門知道欽此欽遵已經本部卽將前銀抵扣該鎮應發年例訖今該陝西巡按張應辰

奏報甘鎮裁省銀一十萬九千九百三十三兩五錢六分零草共二萬三千七百六十四束固鎮

共銀四萬七千二百四十二兩六分零通共一十五萬七千一百七十五兩六錢零內查甘肅鎮前撫所報裁省銀一萬六千七百兩零扣抵年例者卽在甘鎮十萬九千九百餘兩之內相應具覆案呈到部該臣等看得兵與餉原非兩也兵以餉足理兵必先理餉然餉緣兵定清餉正以足兵是欲餉無虛糜者總欲兵實營伍也今按陝西按臣張應辰疏據開虛冒占役等項逐一查出責令歸伍差操而老弱者更之以精

壯逃亡者補之以見在甘固之師夙稱驍健
此一畚簡閱而壁壘旌旄定是改觀茲據報冊
并科移手本再四覆核甘鎮五道見在官軍降
夷共六萬三百七十二員名又廩生吏典承舍
孤囚共一千五百四十八名馬羸牛驢共三萬
一千三百三十六匹頭隻每年應支折色銀共
三十九萬七百四十七兩二錢四分三釐七毫
五絲九忽本色糧料共四十八萬四千九百五
十七石八斗五升零草共四百九十五萬三千

四百五束節省銀京運六萬五千五百三十四兩二錢一分零民運四萬四千三百九十九兩三錢四分零共銀一十萬九千九百三十三兩五錢六分零草共二萬三千七百六十四束固鎮除不閱視不造外所有臨鞏洮岷靖虜三道見在官軍降夷墩夜共四萬六百四十九員名又吏典孤貧共一百四十七名馬廩共一萬四千五百九十五匹頭每年應支折色銀共二十七萬二千一百二十五兩九錢八分零本色糧

料共一十一萬三千三百二十二石七斗七升
零草共一萬三千二百三十五束節省銀京運
二萬二千九百八十兩一錢五分民運二萬二
四百五十六兩八錢八分年例銀六百四兩
五錢六分榆林寧夏撥來鹽課引銀一千二百
兩四錢六分共銀四萬七千二百四十二兩六
分零以上二鎮通共見在官軍降夷墩夜共一
十萬一千二十一員名廩生吏典承舍孤囚共
一千六百九十五名馬羸牛驢共四萬五千九

百三十一匹頭隻每年應支折色銀共六十六萬二千八百七十三兩二錢二分四釐零本色糧料共五十九萬八千二百八十石六斗二升九合零草共四百九十六萬六千六百四十束節省銀通共一十五萬七千一百七十五兩六錢二分八釐零草共二萬三千七百六十四束俱經道府躬親閱歷撫按再四叅詳此皆不干額內求減縮而惟于額外芟蠹餘者如此清核乃爲真清核如此節省乃爲真節省是臣部與

該科所心許而稱快諒邊圉將士亦相習而安者也乃查核科臣許世蓋復以精心效忠從而支放期核其參差積剩欲窮之到底多派直衷之賦役是又籌餉之苦心安邊之穩着所當容行督撫并各巡按御史布政司核實開報以切同舟之誼者也竊意甘固兵馬爲數原不甚多不過一中鎮耳試一清楚遂爾兵不縮而餉盈則舉一甘固而他鎮可知矣語云有治人無治法信然矣及查甘固二鎮通共節省銀一十

五萬七千一百七十五兩零臣部於崇禎二年
據甘撫疏纔裁過節省銀一萬六千七百兩零
耳其餘一十四萬兩似應俱充節省裁減年例
之數惟是秦地方值凶荒則民運未必其全完
該鎮不無壓久則找補尚煩於區處嗣是臣部
仍照近額發餉姑免扣除前項節省槩留該鎮
聽其通融補濟徐俟異日年穀順成而民運完
按期支餉而壓欠補然後再議裁省未晚也臣
愚爲邊儲籌盈虛兼爲封疆計利病不得不爲

從長酌議者也既經按臣具題并科臣移會
來相應覆

請恭候

命下臣部移文督撫并咨都察院轉行各該巡按御
史一體遵奉施行

崇禎三年十一月二十八日具

題十二月初三日奉

聖旨這甘固二鎮餉銀節省實數知道了張應辰具
見精覈據稱該部發餉仍照原額聽彼通融但或

抵年例或補壓欠宜有着落若慮該鎮歲歉民運
難完權將此銀那充接濟亦當令地方官隨時奏
報始免侵混游移該部還確議來說至支放不等
拖欠太多徵額互異着該督撫按臣查覈報部許
世蓋磨勘詳明具奏該衙門知道旨內勤字錯寫
勤字改正行欽此

題覆宣大總督撫賞未盡事宜疏

題爲敷陳撫賞未盡事宜仰懇

聖裁事邊餉司案呈崇禎三年十月初七日奉本部
送戶科抄出宣大山西總督魏雲中題前事因
稱協濟撫賞銀兩從來俱臣中軍及撫次官按
往事議賞賞完會同陽和道查核查完具賞單
於臣批發存案俟年終將用過銀數

奏繳臣近已改行該道主持俾中軍撫夷但受成
事宜歸并大市撫賞聽各撫臣奏銷所當議者

一新賞共該八萬九千五百一十一兩零令
議於三鎮市馬折省馬價內攤出抵給歲以爲
常此賞原係三鎮大市賞內折給自該三鎮撫
臣并入大市奏銷所當議者二等因本年十月
初六日奉

聖旨這協濟新賞二項應否并歸三鎮撫臣該部酌
議具覆欽此欽遵抄出到部送司隨該本司以軍
情萬難遙揣誠恐無當事機有妨操縱呈堂移
咨兵部及該督撫再加酌議妥確咨回具覆復

奉本部送准兵部咨前事內稱准本部咨備行
督撫查議去後今准宣大總督魏雲中咨稱總
督衙門雖云節制三鎮凡一切兵馬錢糧皆在
三鎮撫臣職衙門原不經營惟是往來講事表
使有賞虜王臨邊迎風看別有賞年月季有賞
每年三鎮撫臣于大市撫賞銀各解職衙門銀
三千兩共九千兩爲額曰協濟撫賞以備前項
賞用而各撫臣奏銷大市銀兩將此九千不論
有餘不足一筆開銷職衙門年終又將用過銀

數奏銷一次今查永卜諸酋恭順凡事循
所用段校又皆麓惡甚而二首相構夷人來坐
而九千之解支用不盡悉被月餉脩工繕器築
項那借茲藉情狡詐夷使來繁自前督臣王象
乾講款時所需段校俱照遺賞事例皆衣着好
物價增幾倍而九千之解支用不足其不足之
數非攤派三鎮別無所出是協濟有餘而三鎮
不得問其存否協濟不足而三鎮仍要攤出則
一柄兩持事權互分職衙門年終奏銷有倘益

於稽覆清理爲哉且此賞先年係中軍與撫東
官議賞職近日已改行陽和道主持年終該道
查明造冊送三撫臣并入大市撫賞以用過實
數通融奏銷則有餘不足各撫臣得以專理酌
濟錢糧自然無耗蠹矣至于插首新賞一歲共
該入萬九千五百一十一兩零崇禎二年分職
衙門奏銷者因銀係前督王象乾面

請十萬帑金隨來陽和未發三鎮應該象乾清結其
自今歲而後係於三鎮市馬折省馬價內攤出

者三鎮各自差官押赴殺胡守支自應三撫
併入大市撫賞內奏銷此不待再計而允宜歸
併者理順情順非職推諉卸責也又奉本部送
准宣大總督魏雲中咨亦爲前事各到部送司
相應具覆案呈到部該臣等看待督臣控御三
邊體統隆重而撫臣又分理一方受成總督則
撫臣之事即督臣之事有兩各而無兩用者也
今按督臣魏雲中疏稱遠賞并三鎮市賞俱該
撫爲政惟協濟及新賞兩項雖繇總督衙門主

張而一出入各有司存向來俱係總督

奏繳稍似非體今督臣魏雲中恐互持則事權分
互裁則稽核難畛域一開脫卸易起請以兩賞
悉歸該撫奉有該部酌議具覆之

旨臣以軍情不饒遙揣咨行樞部及該督撫酌議去
後今准兵部及督臣魏雲中兩咨前來議與前
情無異臣等覆查協濟往例原係總督中軍及
撫夷官議賞今改歸陽和道查核而稟其成於
督臣在武弁無借虜營窟之弊在督臣無有餘

不足之虞此策之善者也至於新賞原係三
折省馬價內攤出抵給特分其事於各路文武
官員而復欲督臣開銷

奏繳不惟瑣屑非制抑且耳目不親曷若出入收
支一歸各道經手而三撫復從中主裁無事則
哀多益寡講求撫賞之大數有事則塞漏杜奸
身親撫賞之實數逮開銷

奏繳時以各道三撫之素所經理者而還令三撫
入

告不亦迎以解而截鐵淨乎所當行文督撫嗣後協
濟撫賞新賞相應依擬并入大市撫賞內悉聽
該撫一體奏銷者也至若夷情之有無恭順賞
額之有無增減錢糧之有無侵隱商委之有無
冒破其間大窳會大喫緊處仍聽督臣會同撫
臣細加斟酌稽查期於無濫觴無滿卮而可則
大法小廉綱舉目張其有裨於撫賞邊務非淺
鮮矣既經具題前來相應覆

請恭候

命下臣部移文各該衙門遵奉施行

崇禎三年十二月十二日具

題本月十四日奉

聖旨這協濟新賞二項既經兵部及該督撫詳酌妥
確依議併入入市撫賞內聽三鎮撫臣一體經理
奏銷其夷情順逆賞額徇濫商委姦欺錢糧侵冒
該督仍不時密加體察嚴行稽覈不得以歸併卸
責該衙門知道欽此

覆節曠盡扣買馬歷欠終無補期懇

題爲節曠盡扣買馬歷欠終無補期懇祈

聖明勅令存留餉庫以充軍儲事邊餉司案呈奉本部送據巡按宣大監察御史胡良機揭爲謹陳嚴疆草厖之形等事內稱查核過總兵董繼舒原疏事款逐一開列一件原議買馬未用完題留鎮監樽節班價料草銀三萬九千三百四十四兩零內除各路糧廳庫收貯料草銀六千三百六十八兩四錢二分零各委官見收鎮監題

留樽節班價料草銀三萬二千九百七十六
五錢五分零買過馬騾駝一千七百八十六匹
頭隻各價不等共銀二萬一千四十二兩八分
二厘見在銀一萬一千九百三十四兩四錢七
分零一件查出援遼防關入衛倒死陣失馬騾
一萬九千四百餘匹頭隻各營自本年正月起
外路各城堡自崇禎二年十一月起俱扣至四
月止應扣存庫料草銀八萬一千八十八兩業
已議准買馬見今於萬億庫領出買馬料草銀

二萬二千七百三十三兩五錢二厘六毫買過
馬五百八十四匹各價不等共用銀七千七百
四十三兩九錢八厘見在銀一萬四千九百八
十九兩六錢一分四厘六毫俱係各委官收貯
另聽明示買馬其餘銀五萬八千三百五十四
兩四錢七分七厘四毫見今在庫並未承領等
因復奉本部據大同糧儲主事周維新稟稱職
自受事隨查雲鎮凡放月餉先大同次陽和左
衛次極次衝腹相沿

又該前任劉主事刻堅

榜文迄今未敢更易至若節曠除死馬料草
各營奉文領去買馬與餉庫無預外其逃故軍
士還官查奉堂劄另項收貯以備閏月軍餉其
不敷之數仍在本鎮主客額餉之內通融消算
此項歇役總在各該道府加意稽核而虛冒自
絕餉司除按掛號冊籍查算無差計口授食別
無考覈之法等因各到部送司案呈到部該臣
等看得馬價軍糈各有款項不容假借其來久
矣九邊買馬原隸兵部動支阿寺銀兩近日又

議動支驛遞節省銀兩先是罪督袁崇煥初定
開寧經制議以虛懸馬騾預支實在料草以爲
買馬價值之用是其所層累而積者俱臣部庫
發之額餉也臣部屢疏爭執幸賴

聖明鑒察歸還臣部充餉卽遼撫丘禾嘉再疏申請
聖明仍允臣部疏議僅以五萬與之未嘗聽其任意
扣留也今據御史胡良機揭中所云革除冗役
冗匠召募精壯補伍督造軍火器械修葺邊徼
墩臺一番整頓壁壘改觀宜雲旂幟真足以塞

奴插之膽而制其命矣惟是原議題留樽餉
價料草銀三萬九千三百四十四兩內除買過
馬騾駝等項共用銀二萬一千四十二兩八分
二厘外委官見收銀一萬一千九百三十四兩
四錢七分二厘五毫各路糧廳見收銀六千三
百六十八兩四錢二分零二項共實在銀一萬
八千三百二兩八錢五分零又於萬億庫扣存
料草銀八萬一千八十八兩已經領出二萬二
千七百三十三兩五錢二分二厘六毫內買馬

共用銀七千七百四十三兩九錢八厘見在銀
一萬四千九百八十九兩五錢九分四厘六毫
二項共實在銀七萬三千二百四十四兩九分
零以上宣鎮通共存銀九萬一千五百四十餘
兩此宣鎮扣留買馬之銀見於按臣胡良機之
疏者也至於大同亦扣倒馬料草買馬見於餉
司周維新稟中而無銀兩數目舉宣大二鎮而
山西可例推矣臣等再三酌量騾馬之缺額固
當買補而介胃之枵腹尤爲可念今各鎮動以

呼庚呼癸苛責臣部或言二三十箇月無餉
部近議扣留節曠以補壓欠每年帶支一兩月
臣等方懼帶支之不前機軍之難俟也而今俱
改充買馬之用臣部將復何所賴藉哉恐此例
一開而邊餉愈苦不給壓欠終無可補之日矣
卽如總兵孫顯祖督率家丁出防宜鎮臣部先
議於該鎮客兵銀內支餉因宜撫楊述程屢疏
稱其艱難另索臣部新餉臣部萬不得已頃自
十月二十一起至十二月二十一日止月餉

馬乾共支給七千二百八十一兩九錢俱自太倉銀庫兌發止令該鎮給發鹽菜尚未知其能降心以相從否夫以臣部之年例不爲臣部用俾令臣部剗肉醫瘡權宜以應而餘存之銀乃盡留以市馬卽令雲錦成羣如月餉之不繼何哉夫舊餉原處其不足卽屢疏會議未能補奏臣與同官侍郎康新民日每攢眉相向所望各鎮節曠之銀猶可藉以抵補壓欠并閏月糧餉之用而今概以買馬縱令臣部嘔幾腔心血費

幾番經營只須朦朧領去一筆勾銷其於度
寧有計可施哉并餉司逐月報冊俱屬夢中說
夢而查核總成故事矣合無

勅下臣部行令該鎮督撫兵道動支正項銀兩買馬
每月兵糧料草俱照實數支領不許朦朧以無
爲有領出別用庶幾壓欠閏月之餉漸次抵補
有攸賴矣臣等不勝悚息待

命之至

崇禎三年十二月十七日具

國郵故移資斧以裨軍

國恨不能旦暮致之也卽爲數僅二百金而一片
忠愛良足多矣茲因本官前疏告休荷蒙

皇上諭留前來供職今特具咨賞銀到部臣等已將
前銀劄庫收訖且時值歲終查筭理合具本題
知

崇禎三年十二月二十一日具

題本月二十四日奉

聖旨據奏唐大章捐貲助餉具見急公銀兩照數

收知道了欽此

題覆甘固二鎮節省銀兩補還壓欠疏

題爲謹陳九邊軍餉之數并陳年來不足之因以
達

睿命以便區處事邊餉司案呈先該本部覆巡按陝
西御史張應辰題前事等因奉

聖旨這甘固二鎮餉銀節省實數知道了張應辰具
見精覈據稱該部發餉仍照原額聽彼通融但或
抵年例或補壓欠宜有着落若慮該鎮歲歉民運
難完權將此銀那克接濟亦當令地方官隨時奏

報始免侵混淆移該部還確議來說至支放

拖欠太多徵額互異着該督撫按臣查覈報部許
世蓋磨勘詳明具奏該衙門知道旨內勤字錯寫
動字改正行欽此酌議間又奉本部送戶科抄出

三邊總督楊鶴會奏前事內稱總計甘固二鎮
節省餉銀共一十五萬七千一百兩有奇然從
前之積欠既不能一筆勾銷卽向後之軍糈亦
未必以時給發故今日之定議不欲纂節省之
虛名釀封疆之實禍蓋各邊月餉原有定額

民二運互相乘除使民運有餘則京運可以議
減惟民運匱乏至極則京運縱不能求增於額
之外實不能更縮於額之內也頃年秦地叠罹
凶荒流寇肆起民多逃亡地多荒蕪職恐後來
民運之欠必有甚於元年者矣以故各該道臣
檄督告職謂此京民歲額萬萬不可裁減也等
因本年十二月初八日奉

聖旨已有旨了該部知道欽此欽遵通抄到部俱送
到司除拖欠數目徵額互異轉咨督撫按臣查

覈報部聽科臣勘奏外所有節省餉銀仍應
議具題案呈到部該臣等看得各邊士馬之額
俱視

祖制爲縮而各邊糧餉之需反祝

祖制爲贏如甘固按臣張應辰查核二鎮節省兵馬
錢糧而直以十五萬七千一百餘兩披赤具奏
斯亦近時所不多見者也卽以抵充年例豈不
可寬臣部之供億而彰節省之實効哉願前項
所節省者非獨京運而民運亦在其中近來三

秦叠罹灾荒卽京運之轉輸不匱而民運之徵收彌艱在官事方有積逋之憂呼庚之慮而今欲以節省虛額盡扣年例恐望梅不可以止渴而畫餅不可以充饑也臣知地方督撫必且爭執無已此扣抵年例之說臣所爲絕口不敢言而仍欲照原額給發者也

明旨謂宜有着落大哉

王言籌邊節財

聖意至淵深矣但以一年而論則時值荒歉不得不

以京運之有餘補民運之不足以前後而
餉多壓欠又不得不以今日之節省補從前之
缺額

明旨謂或抵年例或補壓欠又謂該鎮歲歉民運難
完權將此銀那克接濟

皇上軫念封疆仁明並濟臣部惟有祇奉以從事耳
惟是年歲之豐凶無常則民運之盈縮難定莫
非~~其~~供豈得恣意通延雖有壓欠豈容補苴無
已合無行令督撫按臣詳查兩鎮各管扣至崇

順三年十二月止各歷欠幾個月共欠銀若干
兩核實

奏報以後查照臣部原題帶支之法陸續補給如
果軍餉有餘自不妨多發數月如果年穀順成
自不得借口歲荒每遇年終即將補過銀數日
分具題如

聖旨所云地方官隨時

奏報者先後可免游移錢糧併免侵混真絲覈之
良法也異日歷欠既補自當扣抵年例以有餘

不盡者還之

公家酌肥瘠而劑量要始終而不爽臣部區區
議若此不知有當於

聖鑒否也既經具題前來相應覆

請恭候

命下臣部移文各該衙門遵奉施行

崇禎三年十二月二十五日具

題本月三十日奉

聖旨餉銀既節省數多便可扣抵年例這本說該錄

游荒民運虧額量查歷欠陸續補還亦屬長慮併
着該督撫按核實開報俱依議行欽此

題覆宣大總督請發三關兵餉疏

題爲三關之接濟轉殷求全之責望更備謹陳始末併發餉銀仰瀆

宸聰以祈

聖鑒事邊餉司案呈崇禎三年十二月初二日奉本部送戶科抄出宣大總督魏雲中題爲流寇驩禍日深大將進戰失利懇祈

聖明嚴加責成以銷大亂事內稱賊首王惟業計陷河曲總兵王國樑進兵雖云紅夷砲炸我兵先

亂因而爲賊所敗其實原未戰也各兵日食
二合馬食草半束又天氣寒冽羣心怨望是以
一聞賊至棄甲曳兵四散奔潰等因本年十三

月初一日奉

聖旨奏內事情屢有明旨所需餉銀已經陸續措發
魏雲中身督三鎮着益嚴飭撫鎮道將協力圖功
不得諉責鄰省及專以夷情爲辭該部知道欽此
欽遵抄出到部又奉本部送准兵部咨同前事
各等因送司案呈到部該臣等看得治兵治餉

各有分責無相假也令治兵者不操練于居恒
不買勇于臨陣一經敗衄動稱乏餉以爲諉罪
却過之地臣部其何以堪之案查山西鎮原額
年例銀二十萬六千三百兩元年分除臣部扣
發過銀一十二萬四千九百四十七兩七錢尚
欠銀八萬一千三百五十二兩三錢二年分虜
警道梗起解不前除臣部扣發過銀一十七萬
八千三百二十兩八錢三分二厘尚欠銀二萬
七千九百七十九兩一錢六分八釐三年分期

照額全發並無絲毫掛欠且有溢發銀一萬
十九兩零節經臣部開塵

御覽屢奉

明旨查取實收隨據該鎮餉司蘇夢龍備查明白呈
報節年所收與臣部所發無異又經部科覆加
詳覈不爽止二年分有扣留贓罰銀一項查餉
司蘇夢龍業已開載人冊并前撫裁節銀六萬
兩奉

旨覆查應否抵作實數臣已經欽遵行晉撫查議

矣雖云元二兩年未解足額然彼中卜邵旣通
原無撫賞之費則客餉不稱乏也援兵盡潰豈
無還官之銀則主餉又可省也乃賊首王惟業
等突陷河曲王國樑身任總戎僅以節制之師
臨之自當一鼓成擒何乃畏賊如虎未戰先逃
向所稱充斥行間者俱被剝被擄卽大將亦像
首喪氣求一死而不可得而且却擔於二十餘
月無糧各兵日食米二合馬日食草半束何其
不經之甚也及查總督塘報內又稱據河保叅

將李春芳塘報十四日平明蒙本鎮傳令軍士
吃飯畢辰時分發前敵馬步官兵去河曲教場
列營天既傳令吃飯則非無糧可知也臣部先
今所發餉銀起解有月日領解有員役收支有
數目呈報有餉司皆鑿鑿可據果若前言其充
貪弁之腹耶抑猶存餉司之庫耶卽謂該鎮有
二十餘月之欠亦欠在先時臣部本年二十餘
萬之發餉司亦必按月支放卽山西民運咫尺
藩司給發甚易那湊如響儘足支撐目前而云

兵馬乏食豈本年軍餉欲以扣抵前欠便不可
以果今日士馬之腹耶臣部近日又行餉司蘇
夢龍查核續據回報晉中兵餉平時猶須按月
而調發則定須找給數月平時則繇餉司支給
而調發則多繇各路自行支給故營軍尚有不
足而征勦之兵實無不足又如月糧則有壓欠
而本色布花則無壓欠如該營軍馬則順次挨
支而大營任丁寄操家丁夷漢丁防河援兵內
外撥軍等項則又按月領支此皆相沿日久至

兵每日食米二合馬每日食草半束之說此係
行糧鹽菜一項原不與正餉相干又稱還官節
曠三路猶照舊規俱各留本路以爲買馬補軍
緩急之用繇此觀之則留兵之非不給於餉可
知矣幸賴

皇上神明臣部猶得逭於罪戾若遽持以罪臣臣職
司會計而又代爲彊場之臣任過豈不寃哉夫
壓欠於歷年者決難取償於一朝且陸續補給
奉有

明旨臣部無容更贅一詞矣惟是辰下晉禍已蔓師
行糧從臣部寧使餉居有餘不使藉口不足除
本年十一月二十九日已經題差中書史可觀
解年例銀三萬兩迤往接濟此時諒已到鎮又
代工部撥發預徵新餉銀二萬兩在布政司兌
支又貴湖林燿張景珠之兵刑赴征勦行月糧
銀亦皆取給臣部用抵晉中舊欠兵餉此後陸
續措發惟力是視想三晉督撫必能發縱指示
以成有制之師不至以盜賊貽

君父之憂也既經督臣具題并兵部移咨前來相

覆

請恭候

命下臣部移文各該衙門遵奉施行

崇禎三年十二月二十八日具

題本月三十日奉

聖旨撫鎮不能治兵每以潰失輒諉乏餉欺妄最甚
乃戶部於邊鎮錢糧給發實吝開築偏工亦屬大
病卽如山西一鎮元二兩年欠至十萬有餘日以

節裁抵扣俱作發數是否實惠及軍目今勦賊方
急還着陸續措給不必徒煩奏辯這本內解過銀
兩并撥發兌支給過行月等糧知道了兵餉已足
靖掃有資着該督撫奮勵圖功毋得仍前怠事該
衙門知道欽此

題覆邊餉堂條陳十六款疏

題爲邊餉缺額太多無計抵補謹陳裕入節出
宜懇乞

聖明裁定以濟急需以圖永賴事邊餉司案呈崇禎
三年十一月十六日奉本部送戶科抄出督理
邊餉本部左侍郎康新民題前事等因本年十
一月十五日奉

聖旨這奏內諸款屢經廷臣條議明旨責成未見實
心脩舉以裕軍國該部再與核覆飭行欽此欽遵

抄出到部送所案呈到部該部等看律

事舊餉不支臣同官侍醫康新民以一身得
任惟恐隕越以貽疆場憂而嘔心畢計求其
以防耗蠹備儲蓄近濟然眉之急遠垂永賴
規者計十六款縷陳于

皇上之前奉有該部再與核覆飭行之

旨臣等欽遵除責虛糜清弊源查節曠等款事關
部已經樞臣酌覆外謹按其定完額清借支
銅本疏鹽法清屯田禁知增核捐助搜逆產

稅契廣開荒開水利等項共干一欸再三覆核
俱鑿鑿可行謹逐欸詳奏若能設誠而力行自
可實邊而裕

國矣惟廣鼓鑄一事近已議停勸輸助一事已歸
新餉誠不便條止而條行亦不宜旋新而旋舊
者也伏候

命下臣部移咨督餉部臣并行各該衙門遵奉施行
計開

一定完額查得新餉與舊餉原自畸重止緣

年來關寧多故人每緩舊而急新今奴
交訖于西東而禍且蔓延于薊永宜大等
鎮矣議戰議守在在須餉以有限之金錢
供無涯之挹取故舊餉之完的當以十分
爲率如循九分之常套而爲緩徵者開一
面則一百六十萬之舊餉已自無多一十
六萬之缺額將何抵補部臣抵掌時事首
以完額爲請此疋病良劑所當依擬照新
餉例通期完足十分以贖九邊者也若完

不及數卽九分以上仍議罰治仍議帶徵
所罰必見任正官不得以去任并丞簿小
吏塞責庶人情之玩惕惕

功令而思奮矣伏乞

聖裁

一清借支查得新舊二餉總隸臣部若使有
借有還完欠分明則權緩急以通融有輕
不可但近因軍興餉詘兩庫罄懸新急每
那舊以醫眼前舊急亦那新以應急着借

時原擬卽還日久便成高閣以致頭

紛支銷枘鑿先該臣部於軍興旁午疏具
題新舊兩餉不許那移蓋有激乎其言之
也今部臣議此後如津門運價並省直召
買等項其應動新餉者不得輕動舊餉與
臣前疏不約而同卽各邊鎮并一應京支
應動舊餉者亦不得那及新餉除遼東原
額舊餉幫支新餉二十萬已經奉

旨遵行無容再議又今軍興那借見在責令新舊兩

司自行銷算補還不敢贅瀆自今伊始新
餉舊餉務用本司案呈臣部放行不許混
亂支發致碍銷筭如部臣議所當申飭省
直并各鎮餉司一體遵行以杜混淆者也
伏乞

聖裁

一還銅本查得銅本取資關稅原分新舊兩
餉計各得息以濟藏鏹之窮而非偏有軒
輕也案查臣部天啓七年題動各關新舊

兩餉并南京事例共四十萬充作鑄本
爲四季按季發銀按季解銅按季還本通
行在案近又題改十五萬內派南京買運
十萬爐商買運五萬以資寶泉局鼓鑄除
新餉銀聽新餉司鈔算外其動支舊餉作
本者如部臣議合責令邊餉司會同該局
司官從頭打算徹底清查要見天啓七年
原題應還輕齎一十七萬五千六百六十
四兩果否盡數補還近年借動各關舊餉

銀兩本息有無還盡逐年逐項直令遞流窮源是本是息不容牽新摺舊此各足之道也蓋本既新舊均認則息亦應新舊均分所當劄行該司永爲定例遵守勿變者也伏乞

聖裁

一 疏鹽法查得天下鹽法皆臣部掌行然遊手亡命之徒多聚族而興販勢豪貴介之輩或把持而私窩陸則車馱公行水則滿

舡裝載此顯然跳越三尺外者也若夫官
商暗行私販其弊尤甚以灶丁巡役供願
指以場官胥書爲線索引不截角而回頭
疊用鹽築大包而夾帶倍蓰以致出疆越
賣引鹽日壅水商困水次內商困場坵邊
商困塞徼三商交困鹽利胥通而害遂中
於

國矣此同官康新民所以有慨於鹽法之當疏也
中間按本澄源莫過慎擇秤掣之官合照

臣部近議兩淮長蘆山東俱令鹽道親掣
兩浙閩粵等處務選廉明甲科有司秤掣
其餘不許濫委巡鹽御史仍出不意單騎
巡行親掣數包每包重至若干卽繫餘包
之鹽追沒究罪掣官連坐然後夾帶可杜
正引可疏三商可利於以增引增課無難
事矣伏乞

聖裁

一清屯田查得修屯裕餉允爲養兵首義金

城方畧自古壯猷

祖宗朝良法美意全在於此而今漸非其質矣夫金
之舊屯非昔所計畝而授軍收租而養士
者乎奈何令其埋沒於荒蕪侵占於勢豪
而不爲之所也搜圖籍於世胄衛胥之家
盡屯利於深耕易耨之際多徵本色毋令
借口於灾折不時查核毋令侵漁於武弁
臣部前覆科臣汪始亨疏責成各府節推
督率清丈度地升科此誠今日之急務而

邊腹所宜速行者也。迺若瀛津涿鹿之間，
淮潁吳楚之境，其地廣而人稀，須勞來而
勸相。如近年天津巡撫萬世德、保定巡撫
汪應蛟屯田撫臣董應舉故事，芳躅可尋。
懿軌尚在，緣屯租以作屯本，用屯本而廣
屯利，何遽不收千倉萬箱之効，而漸成畝
棲野被之休哉？願力行何如耳！伏乞

聖裁

一廣鑄錢查得鼓鑄委屬美利之原部發尚

多轉折之擾惟各鎮自鑄則生息餉用
餉裕矣部臣欲以宣府荆之琦爲榜樣而
令各鎮餉司協力行之始借餉以鑄錢旋
用錢而給餉豈非便計惟是近日銅苦涌
貴錢苦涌賤則恐其無厚利也餉司不皆
饒有心計利權恐爲宵小所竊則恐其非
政體也案查臣部建議非督撫重臣駐劄
處所不許鑄錢其利本薄而強民求息者
皆罷其役惟陝西雲南二省密雲餉司見

在舉行俱解充新餉之用宣府甘肅二餉
司見在舉行俱扣充舊餉之用大同撫臣
自行鼓鑄以充軍前之用其餘似不便再
行開端以啓徑竇矣近日宣大二鎮鼓鑄
俱無厚利荆之琦專任二年得息一萬比
亦未報新息是可以暫行而不可以嘗試
者也伏乞

聖裁

一禁加增查得兵緣餉飽餉緣兵定故餉而

東之于額所以一經制而準出入也
祖宗初年例舊額不滿五十萬今且至三百萬今其
相較何啻天淵部臣首禁加增懲從前之
濫觴砥今茲之狂瀾其在是矣請着爲令
兵固不許議減餉尤不許議增通行申餘
各邊鎮司道一體遵行勿規目前而忘遠
憂勿借題目而圖虛冒卽將領廩給家丁
工食皆有常制寧儉無奢誠籌邊之第一
着也伏乞

一核捐助連歲以來內外臣工念時事之多艱自矢捐助此非有所迫而然也懷忠赴義根自秉彝既入啓事之牘自竭報効之忱近查太倉銀庫所入之數不無如所報之數此必奉差在外或轉運無常甚有假

人

告以梯榮而徒托空言者如部臣議合原題輸助各官稽其所報核其所輸兩相對照難逃

形影除緣事未輸而情在可原者姑免輸
納若有未曾奉差未經遷轉而徒以虛名
輸官者仍聽部臣指實查叅太倉固得涓
滴之用仕途亦絕躲閃之門矣伏乞

聖裁

一勸輸助查得好義之民比比而是苦勸之
以真精獎之以異數則卜式芳躅豈異人
事乎部臣備引從來旌賞諸例以欣勸之
夫慳吝守財與草木同朽腐者孰若慷慨

急公以永令譽也但勸助一事在新餉已
有行矣輸助未幾寒儉可啗則舊餉似不
宜再爲征逐也伏乞

聖裁

一搜逆產近日遵永等處助逆叛臣如白養
粹賈維鑰馬思恭李致和等田土市宅充
斥郡城價值何啻數萬至于闔郡士民半
遭慘殺遺產亦多先經科臣祝世美具題
奉

旨行查沒官充餉并議興舉屯田之法乃督撫按道
迄今未報將無令奸人日久計生恣爲影射
射乎是當查照原行速爲詳造清冊報部
應變價者從實變價可耕種者召佃耕種
於以助軍興而減供億但近例搜括者多
歸新餉項下必須臨時再加斟酌恐亦未
便卽爲舊餉用耳伏乞

聖裁

一查稅契查得稅契古法原非厲民若安人

賣產每懷無厭貪求而富人買產只願稅契便絕所從來久矣舊例每價一兩稅銀三分近日減去一分曲加鼓舞每兩止稅二分以充襍項新餉遵行在案但有司多隱匿司契私圖收稅徑用本州縣印契民間恐無司契不足杜爭又每趨趨不前而各州縣鄉紳舉監生員等又乘正官遷轉或入

親時各以情面相求納銀愈少若有司純用司發契

尾每季收完即將稅銀解司且崇禎四
又當大造黃冊之年推收既駮稅亦不登
若以其原派者歸新餉而以其增加者助
舊餉議極確而計極便所當責成各撫按
道府亟行查覈以饒解額者也伏乞

聖裁

廣開荒查得開荒亦屯政中之一端也但
有田可耕處卽名之曰屯未經開出則名
之曰荒然荒因于拋非生成不毛者也試

觀淮潁徐宿一帶向時阡陌相連今且極
目灌莽其故可思矣前臣部覆議以爵賞
招徠之不論南北士民凡遇拋荒田土聽
其自認開闢又以鼓舞徼權收耕耨實益
如有自願開墾者官給印照如有力不能
辦者官給牛種如有逋負夙債者不許擅
索令其安心開墾俟成熟後酌量起科部
臣既身試于作令時斷宜舉行于空曠日
所當依擬申飭舉行者也伏乞

一開水利查得燕趙齊魯自古以富強稱未
聞資財賦于東南者也今西北不乏水利
而民間未見修舉則上無倡之者耳部臣
議于京東瀕海近山之地先開數井以示
可行之端如遵化平谷玉田豐潤等縣水
多湧聚試召南方善耕者禱處教習平陸
秦高旱則溝洫宜深海濱多低窪則堤岸
宜作湖湖蕩蘆葦之場瓦礫牧馬之處無

不可以人力奪天巧西北一石之入可益
東南數石之輸且令挑空品溝以當厄塞
多植雜樹以成茂林數年之後可資民用
可限虜馬可設埋伏而敵澮成金湯之固
矣伏乞

聖裁

崇禎三年十二月二十九日具

題崇禎四年正月初五日奉

聖旨近來條議日煩課効殊寡這酌覆諸款如屯墾

宸關急務明旨幾經嚴飭仍同故事今後責成
鹽巡屯御史著實修舉回道之日冊報部院隱占
荒蕪有無清墾私販夾帶有無禁絕增糧若干疏
引若干一一詳加考覈確行殿宸其開荒水利總
屬屯政一端至定宗額清借支等項只在該部實
意清釐便足集事不必動列敷陳徒煩批覽該衙
門知道欽此

覆甘固餉司月餉新舊兼支疏

題爲恭報搜括糴放鑄造生息抵充年例以佐軍儲事邊餉司案呈崇禎三年十二月初十日奉本部送戶科抄出甘固糧儲郭應響奏前事內稱臣查事庫貯僅上首附餘銀三百五兩按臣賊罰銀三十四兩共三百三十九兩臣去冬發糴黍木四百三十六石共糴銀五百三十九兩五錢除還本外餘銀二百兩五錢計利加六有奇以鑄造言之自臣歷過薪俸已捐一百一兩

解部助餉外今預捐薪俸供億銀二百四十五
以抵附餘清追各監收還官布花銀一百五十
六兩七錢四釐裁汰書吏工食銀二百二十七
兩五錢四分七釐共銀六百二十四兩二錢五
分一厘并糶米銀買料鳩工本年六月十九日
興工至九月終除還工本外得利銀三百七十
七兩九錢二分八厘以上除上首附餘銀按臣
賊罰銀外臣所捐輸清追裁汰米利鑄錢五項
共銀一千二百二兩六錢七分九厘應抵甘鎮

崇禎四年春季年例大抵爐有生熟初鑄不及
後鑄畧有長短冬春不及夏秋每季錢利以三
百七十兩爲準每年可得利一千四百八十兩
如銅鉛湊手則添爐利當逾此若銅鉛到稀則
減爐利當縮此再照內外奉餼如救焚而塞壑
有呼庚不息者緣上年歷次數多卽今按月支
放抵補舊餼間有新充行伍者恒苦枵腹議者
欲捨舊而給新直對証金針然舊糧皆各軍實
歷辛苦應有之物而驟絕之難禁嗷嗷竊謂莫

如新舊酌給之爲便如舊兩月糧以一月
以一月給新九屬兩利等因本年十二月初
日奉

聖旨郭應響搜節糴鑄二本生息抵餉歲以爲準有
裨邊計着與紀錄據奏月餉新舊兼支九屬兩
該部并與酌覆欽此欽遵抄出到部送司案呈到
部該臣等看得邊疆餉務惟發餉者與理餉者
能協力而共肩亦惟身任者與心籌者能互商
而交助若一遇匱乏徒取盈太倉而日事呼籲

非臣部之所屬望于理餉者也查得甘固西
絕塞與虜爲隣士馬糊口全憑月餉向因京
節年解欠數多兼以年穀不登民屯積逋印
部見今轉輸照額不缺而理餉司官倘計拙生
息而營其調劑邊餉將何賴焉今甘固橙儲具
外郎以爲難心任事銳意生財議糴議鑄不
致分毫定于糴本則取上首附餘銀并按臣
所請銀共三百三十九兩自去冬起至今秋止
越三季共糴銀五百三十九兩五錢除還本外

得利二百兩五錢于鑄本則預捐俸薪供億
并清查各監收還官布花銀裁汰書吏工食銀
及糶米銀共一千六十二兩七分二釐自本年
六月十九日起至九月終止甫一季鑄金背錢
一百一十五萬二千文每錢八文准銀一分共
值銀一千四百四十兩除還本外得利銀三百
七十七兩九錢二分八釐本官當此窮邊絕徼
但能于額餉內杜虛冒饒節曠以塞無底之漏
卮便已稱難矧于收支出納外到處講求無中

生有平糶獲加六之利鼓鑄擅三倍之饒假令糶多鑄多以本生利又以利作本展轉滋息傳垣之微惠寧有旣哉幸蒙

皇上厚恩卽與紀錄以旌其勞嗣後會計經營當未可限量也至議新舊酌給以帖衆望尤見苦心大抵新軍樂領新餉舊軍樂補舊餉今查各鎮以臣部見年額發之餉槩抵從前舊欠勿論新軍缺見役之銀脫巾可虞卽舊軍領役過之餉猶然缺望今欲發兩月之糧一以抵新一以補

舊似亦各得分願但恐京民之解發有礙
之補給無窮若使新舊每年各得六月恐接濟
不來猶然成欠耳臣部前奉

明旨欠在一年外者每發年例兩季帶補欠餉一月
欠在一年內者每發年例一年帶補欠餉一月
已經申飭見在通行較之發兩月餉一新一舊
之說顧誠不知何如是當

勅令撫按再一從長酌議果帶補可行似不必更張
以眩耳目倘兼支爲便又何嫌改革以收人心

務令餉司展涓滴之忱而臣部免拮据之苦則
厚幸矣統祈

聖明裁酌遵奉施行

崇禎四年正月初八日具

題本月十二日奉

聖旨郭應響留心操計者茲鼓勵任事帶補舊餉前
已有旨今甘國所請新舊兼支該部既難定議還
行該撫按從長確酌具奏欽此

覆蜀撫起解秦餉豁免已用疏

題爲遵

旨恭報起解秦餉銀兩併乞

聖恩豁免已用之數俯從舊解之額以永爲定規事

邊餉司案呈崇禎三年十一月初十日奉本部

送戶科抄出四川巡撫張論題前事內稱四川

舊有解運陝西四鎮餉銀十萬四百三十五兩

有奇此銀不係民間正賦止括本省鹽課事例

稅契及撫按贖罰湊充此數每年鹽井有冊

事例稅契有多寡是以解秦或四五萬或
萬俱未滿十萬之額奢崇明之變督臣朱燮元
題充川餉解納亦不過五六萬今

廟議汰餉仍令解秦取盈十萬至近日奉

旨解秦其勘合以二年八月至川時值大勦水西是
二年分之銀已盡支無存今見邸報又責以二
年者解秦三年者解京臣計無所出以三年收
貯者先解陝西五萬兩餘俟年終徵完起解以
作部文二年之數至於三年應解京銀則二年

之銀已費盡無可抵解伏乞

勅部酌議直截銷筭准免補解其四年分銀兩或仍
令解秦等因本年十一月初九日奉

聖旨錢糧有徵方派若果係無額虛數便當即時明
白聲說何每年含糊拖欠直待奉旨實解方請議
免這本內各項及先今題允事情該部確查簡明
具奏欽此又奉本部送戶科抄出四川巡按馬如

蛟題同前事本年十一月十四日奉

聖旨已有旨了該部知道欽此欽遵通抄到部送司

隨該本司移付四川司備查該省先時會同
邊因何全不解京俱留省支用改解三秦年例
因何不將京邊抵運祇將鹽課鹽稅事例稅契
及撫按贓罰湊充案查先今題改秦餉正額俱
十萬四百餘兩有奇因何該省霽今倣稱四五
萬或五六萬求減等因去後續准四川司回稱
查得川省丁糧銀共一百五十四萬一百一兩
一錢四分零從來俱繫留本省支用其解京者

止

上供本色及鹽課鹽稅事例稅契及撫按贓罰等項
銀兩載在會計錄及賦役全書可考也至萬曆
三年將鹽課鹽稅事例稅契及撫按贓罰等項
共銀十萬四百三十五兩有奇始改解陝西延
寧甘固四鎮抵作太倉京運額餉以蜀去京路
遙與秦接壤轉移輸輓彼此稱便該省歷年循
環文簿俱有數目萬曆三年解銀九萬四千一
百三十九兩零萬曆五年及十一十二等年俱
各解銀十萬四百三十五兩零嗣後年分分作

運三運起解卽解數間有參差大抵未解
絕至四十年以後所解漸少而原額尚存俱有
舊案等因到司相應具覆案呈到部爲照巴蜀
一省素稱沃野千里者也近罹兵燹而久已難
定何難則壤之賦原有課稅而按數輸納總屬
維正之供查以前年分俱解入京庫不缺其冊
籍可按也萬曆三年始緣秦蜀接壤省其往返
之勞因改解延寧甘固四鎮抵部發年例之數
自三年以至五年并十一十二等年卒多起解

及額原無短少雖云輸之三秦仍是發之大倉也而蜀免跋涉守候之艱秦獲就便接濟之利所從來久矣不期四十年以後積玩拖欠習爲固然三年六月內該秦撫取好仁疏

請改解太倉以需部發臣部覆

准崇禎二年仍令照數解秦崇禎三年改解太倉俱限年終完解

奏報欽奉

聖旨移蜀餉秦最爲便計如何積玩多逋該鎮何類

前卽藉口軍興亦須查核其二年分額餉銀
省撫臣各具解收數目日期回奏三年以後仍依
限解京如再虧延卽行叅處秦寧不必那移貼黃
內三字訛元字殊欠詳慎改正行欽此欽遵通行
去後今蜀撫張論巡按馬如蛟會疏請減請免
不思輸秦之額原是解京之額蜀數年來積欠
數多後又留爲蜀用今臣部僅從崇禎二年起
只將二十萬筭數半以濟秦半以解部亦原未
求多於蜀也而蜀顧欲仍求減免乎亦大不情

矣且如九邊年例鹽課大居其半卽蜀之鹽課
鹽稅其入官者當亦不貲較之惟正之供尤易
矧又益以事例贖罰稅契等項豈猶稱不足者
若謂鹽井有坍塌寧獨無新開事例稅契有時
而寡寧獨無時而多而欲執一以論謂必不能
如額乎又大不情矣竊意蜀之所備只水西一
芥灘耳較之臣部之九邊何如兵多徵調餉亦
免發較之臣部以數百萬計者何如試一平心
較量則其不當再有減損亦甚明矣今蜀撫旣

謂勘合以二年八月始到銀以大勦支用
姑准減免二年一半而以三年者補之其三年
所餘并四年分仍照新例解京以杜拖欠之弊
其秦中額餉聽臣部自發蓋蜀中年來催科不
前逋負成風近如元二兩年便已拖欠三十五
萬續追止得萬餘見於撫接近日之疏爲

聖明所駁查者是其明徵也欲矯偏以求弊湏改弦
而易轍故臣寧減去五萬餘兩以伸初議伏望
聖明申飭允行庶秦餉不終托空言而蜀亦得以少

罄踐土食三之誼矣既經該撫按具題前來相
應覆

請恭候

命下臣部移文各該衙門遵奉施行

崇禎四年正月初九日具

題本月十二日奉

聖旨川餉就便解秦原係解京正額如何強半逋欠
輒請減免這二年分銀既稱大勦支用姑依該部
酌議以勘合到彼之日爲始減半解秦動支三年

分銀抵補其三年所餘一半并四年以後遵照
例解京每年務足原額不許短少遲延至陝西額
餉該部另行措發該衙門知道欽此

覆甘肅巡按張應辰復 命條陳三款疏

題爲微臣于役事竣敬陳兩河情形並抒一得管
見仰乞

聖裁事邊餉司案呈崇禎三年十二月十六日奉本
部送戶科抄出陝西巡按張應辰題前事等因
本年十二月十五日奉

聖旨這條奏諸款亦于邊計有裨內虛冒責道廳覈
報及清收支恤邊商尤屬切要該部酌議具覆欽
此欽遵抄出到部送司除各款隸兵部事合聽

該部議覆外所有覈虛冒及清收支恤邊商
款事隸本部相應具覆案呈到部該臣等看得
邊餉所資京民二運與鹽糧並重祇緣人情習
玩視爲固然而虛冒不問收支不清邊商不恤
以致有限二運不充迺波無告窮商坐困甚海
餉務將何賴焉今據陝西按臣張應辰復

命條議之疏一請禁虛冒其謂兵原以資捍衛乃將
官視影占爲固然紙上有名而呼之無人者是
也夫虛冒之禁卽清兵核餉之說也節秦

明旨不啻三令五申其宜之

廟堂者已責之闔外矣但兵馬爲數無窮目力點查
易掩那前僭後移東影西終日清核虛冒而竟
未收清核之實益也如按臣議將領之弊撫按
或不及知道臣未有不知至廳官更未有不知
者臣又謂廳官固未有不知脫有不知而道臣
可聽其虛冒乎竊意廳官有耳目而無權柄道
臣有權柄而又有耳目無奈情面難破積玩相
承是必一洗沉疴而對邊鎮如對

闕廷清虛冒如清隱痛一有不實卽以叅劾連坐

法糾之而法行自道臣始則嚴干道自可嚴于
廳而虛冒盡剔濫觴不容足兵且以足餉矣一
請清收支其謂餉以養軍士若開銷不明恐江
海不能實漏卮者是也夫收支不清頭緒混淆
將不免於重複冒濫之弊今按臣議立法如餉
司某年月日發某鎮京民運各若干卽移文按
臣知會各鎮道臣某年月日收京民運各若干
某年月日某營軍士支主客餉各若干亦冊報

按臣存案如是則內外互稽收放清楚奸弊將安所容焉蓋按臣持斧一方無所不當問况軍儲兵餉所關尤鉅而可漫無移會也從茲痛釐積弊一掃管窺俾主者不得高下其手而覽者如同躬親其事則所收不竭於尾閭所支不若於漏卮足餉且以足兵矣一請恤邊商其謂內商捐勒遠客受虧以致邊商窮而邊軍因以枵腹者是也夫邊商輸粟中引負重則力勞遠輸則費倍若不少加優恤誰肯赴絕塞苦寒之地

以供軍實哉故在兩淮兩浙各設有庫價准

到司每引五錢五分先給二錢五分浙勘到

每引三錢五分先給二錢一分令各商蚤得回

邊辦糧餘令內商交易按期不愆立法甚善不

謂邇年以來庫價既多那用內商又復刁難彼

窮商資本幾何堪此抑勒惟有掉臂去耳此按

臣所以目擊心恫惟恐虧損邊儲而諄諄爲商

請命也但邊窮則控邊腹窮則控腹運司自歛

解京課外於邊商引價有無俱不置念卽邊商

之赴告總置不問真同秦越之視而疾疢疢瘵
漠不相關者也若不設法考成則臣部申飭徒
勤故事矣合著爲令嗣後凡邊商納完鹽糧領
賞勘鈔到司運司卽將庫價按數查給餘督內
商公平交易如有虧短少卽治以罪年終巡
鹽御史仍將給過庫價及交易過日期銀數造

冊

奏繳悉照臣部會議原疏如庫價與交易稽遲責
在運司倘庫價與交易已完而鹽糧遲速責在

餉司臣部執此以爲邊腹嚴最庶邊商無守
之艱而塞上成殷阜之風矣既經按臣具題並
來相應覆

請恭候

命下臣部移文各該衙門遵奉施行

崇禎四年正月初十日具

題本月十三日奉

聖旨各鎮兵餉責成道司清查按臣查覈併邊商鹽
糧引價事宜俱有屢旨乃巡方條陳僅借塞責該

部文移仍同故事何裨邊計這覆議三款卽着實
飭行如司道玩違按臣指名叅處按臣容徇回道
考核以不職論該部院記着欽此

題發延鎮春季例疏

題爲流賊逼攻延西微臣勢難兼顧乞委延鎮署
官并望蚤

賜救援以安人心以保封疆事邊餉司案呈崇禎四
年正月二十一日奉本部送戶科抄出山陝總
兵杜文煥題前事內稱榆林原係沙漠一毛不
產所仰賴者在東南西三處盡爲賊梗則延綏
之餉道俱斷而榆林坐困阨危斗米四錢人心
惶惶恐致不測若不亟發金錢半以給軍半以

賑民臣恐延鎮三路饑軍及延安州縣饑民
機響應則秦中之事有不可言者矣乞

命戶部速發餉銀十數萬付延撫洪承疇爲給軍
民之需等因本年正月二十日奉

聖旨延西流賊復熾這所奏進勦事宜兵部作速議
覆其缺餉戶部卽行給發不得遲延誤事欽此欽
遵抄出到部送司案呈到部該臣等看得秦中
凶荒流賊猖獗近且攻陷寧塞新安邊等處積
滅無期燎原可慮則潢池之警未必非腹心之

虞也山陝總兵杜文煥身在河曲念切桑梓以
延西流賊情形星馳入

告且求速發餉銀十數萬解付延撫以爲給軍賑民
之需奉有

明旨卽行給發不得遲延誤事及查賑貸之銀近議
戶兵二部解發十萬則鼓舞休養固不患於無
資矣惟是師行糧從需餉爲急臣等欽遵

明旨卽劄太倉銀庫速于解到鹽課內先發銀六萬
兩第賊蔓三秦到處卽爲盜藪而領解六萬

途尤須慎重查得本部江西司主事韓請生
邊方才識練達以之歷遠途而資多金誠可待
以無恐者合無令其星夜兼程解赴延鎮巡撫
衙門轉發餉司收貯以備軍前緩急之需以作
崇禎四年該鎮春季年例之額仍責本官守取
該鎮餉司實收回

奏查考庶餉足自然兵精而士馬騰飽予以殄茲
小醜易易矣恭候

命下臣部移咨兵部給與差官應用勘合刻日起程

臣不勝悚仄待

命之至

崇禎四年正月二十七日具

題本月二十八日奉

聖旨是欽此

題入衛官軍行糧鹽菜疏

題爲懇

恩比例請討鹽菜銀兩以濟貧軍防援事邊餉司案
呈崇禎三年十二月二十二日奉本部送戶科
抄出薊遼總督張鳳翼題前事內稱入衛邊兵
每名日給米一升五合鹽菜銀二分此舊例也
其後改鹽菜而止給春秋犒賞前歲并入衛軍
亦革今當枕戈待旦之秋又直米珠薪桂之日
况兵係更番以去兵之所遺爲來兵之所有總

此一餉特易人以食而實未嘗有所增加也且
該營都司部臣下兵四百七十名先經入衛見
在支領未有彼與而此不與者等因本年十二
月二十一日奉

聖旨戶兵二部確議具覆欽此欽遵抄出到部復奉
本部送准兵部咨同前事內稱衛前邊兵舊有
行糧鹽菜以承平無事遂停鹽菜止給春秋犒
賞但今嚴寒防禦玉桂不支止給行糧或難糊
口且部臣兵丁見領鹽菜則此兵一體實難厚

薄崎施等因到部奉批邊餉司查議速覈通送
到司案呈到部該臣等看得入援官兵與土著
者勞逸原自不同先年

舊制每日准給行糧米一升五合鹽菜銀二分以恤
其私斯亦出車采薇之遺意也迨後止給行糧
與春秋犒賞而無鹽菜蓋因各兵原有本地月
糧稍爲節省計耳今督臣張鳳翼因薊門兵荒
之後請將宣大延固入衛邊兵准照舊例一體
支給行糧鹽菜而樞部亦以爲言則鹽菜之應

給也明矣但入衛之兵與援兵不同援兵以
王而來蹄裝未卜入衛以更番而至言旋有期故援
兵之鹽菜以三分支新餉而入衛之鹽菜以二
分支舊餉又不無差等其間也今督臣具疏比
照郅臣援兵之例卽團練總鎮亦有頂食新餉
之說此真推置遠戍一念顧衛兵初復宜慎其
始不但二分三分鹽菜原殊亦且新餉舊餉款
項自異誠有不得比而同之以開異日濫觴之
端者也合無將大宜延固入衛邊兵遵照舊例

除行糧外每名每日給鹽菜銀二分責令餉司
於年例餉銀內通融支給庶

皇恩幸溥而奢望亦消矣既經督臣具題并兵部移
咨前來相應覆

請恭候

命下臣部移文督撫并劄該鎮餉司一體遵奉施行
崇禎四年正月三十日具

題二月初四日奉

聖旨依議欽此